

Gou Hag Rox Cien Gyaeqgaeq Lo

我学会了煎鸡蛋

德保县隆桑中心校 陆佳慧



Gvaq bi moq gou youh maj hung bi ndeu lo, bingzseiz daxmeh guh hongranz sinhoj lai, youq ndaw gyaigiz gou gietdingh gaen daxmeh hag guh hongranz.

Aenvih gou gig gyaiez gwn gyaeqgaeq, ndigah gou couh sien hag cien gyaeqgaeq. Gou sien

dawz gyaeqgaeq youq henz bak duix menhmenh dub song mbat, yienzhaeuh dawz gyaeqgaeq cuengq roengz aen vanj bae, dwk di gyu roengzbae hoed yungz. Daxmeh bang gou hai feiz, caj rek hoengzndat le, hai feiz iq, yienzhaeuh cuengq di youz roengz rek bae, ndaw rek youz ok hoenz, gou miz di vueng, fwngz saenzdedded dawz gyaeqgaeq

ndingq roengz ndaw rek bae, ndaw rek lumj cuengq bauq nei "bili bala" yienj dwk. Gyaeqgaeq gig vaiq couh giet baenz gep, gou dawz gucanj fan gyaeq gvaqdaej, mbouj yaep he couh bienq henj lo. "Cien baenz lo!" Gou sikhaek dawz gyaeq daek okdaej. Yawjraen gyaeqgaeq cien ndaej henjrwgrwg homfwd-fwd, ndawsim gou gig gikdoengh. Neix dwg gou baez daih' it cien gyaeqgaeq ha. Gou gaenjgip dawz dawh nip gaiq ndeu hawj daxmeh cimz, daxmeh cimz le haenh naeuz: "A! caen hom, caen ndei gwn." Gou doiq daxmeh naeuz: "Baezlaeng ranz raeuz cien gyaeqgaeq, louz hawj gou cien couh ndaej lo."

Ngoenzneix gou gig angq, aenvih gou hag rox cien gyaeqgaeq lo. (指导老师:黎才新)

Daxmeh Gou

我的妈妈

德保县隆桑中心校 黄燕瑜

Daxmeh gou mbouj sang mbouj daemq, louz byoem raezrangh, fouq lwgda de ndongqliklik, bingzseiz raen vunz cungj dwg riunyumnyum. Youq ndaw gyoengqvunz, mwngz gojnaengz mbouj dwg mbat yawj couh yawjraen de, danhseih youq ndawsim gou, daxmeh gou ceiq gyaundeih, de dwg boub daxmeh ceiq unqswnh, ceiq ak ndeu.

Daxmeh gou dinfwngz gig lingzgiuj, de siuqveh ndei raix-caix, gij doenghgo doenghdud de

siuq haenx couh lumj lix ityiengh. De gig gyaiez caeuq boubwnq itheij yiengsioush gij vaiqvued de, de ciengzciengz dawz gij siuq swheij soengq hawj caencik baengzyoux. Daxmeh gou hix gig gyaiez seuqset, moix ngoenz cungj baet ndaw ranz ndaej seuqsag, gij deihbanj gwnz laeuz uet ndaej rongh lumj gingq ityiengh, ndaej ciuq ok ngauezvunz daej.

bingzseiz, daxmeh ciuqgoq gij gwndaenj gou gig ndei. Moix

ngoenz banhaet, daxmeh cungj dwg gig caeux couh hwnqcong bang gou cawj haexcaeux, vihliux mbouj hawj gou deng nit, de lij bang gou bwh ndei buh dem. Youq hagsib fuengmienh, daxmeh doiq gou iugouz gig yiemz, gou miz gijmaz vwndiz mbouj rox, de naihsim gangj hawj gou dingq, itcig gangj daengz gou rox cij dingz. Moix baez gou gauj ndaej cingzci ndei, daxmeh angqhoho, dangh-naeuz gou gauj ndaej mbouj ndei, de hix mbouj ndaq gou, dauq dwg mbouj dingz gujli gou.

Neix couhdwg daxmeh gou, boub daxmeh gvansim gou, doiq gou iugouz gig yiemz ndeu! Gou gyaiez daxmeh gou! (指导老师:陈美设)



Hag Gwih Danci

学骑自行车

环江思恩镇西南小学六年级 罗志壮

Youq ndaw hanzgyaj, gou hag rox haujlai bonjsaeh, ndawde hag gwih danci gienh saeh neix hawj gou ceiq nanzlumz.

Youq ndaw hanzgyaj, miz ngoenz ndeu, gou cam daeggo: "Daeggo, mwngz gojyij son gou hag gwih danci lwi?" Daeggo naeuz: "Ndae ha!" Gou dingq le, angq dwk diuq hwnjdaej. Daeggo daj ndaw ranz rag danci okdaej, doq byaij doq doiq gou naeuz: "Danghnaeuz gyauejci nyeng gvaq baihgva, mwngz couh dawz gyauejci niuj gvaq baihsuix; danghnaeuz gyauejci nyeng gvaq baihsuix, mwngz couh dawz gyauejci niuj gvaq baihgva, rox lwi?" Gou ngaekngaek gyauej naeuz: "Rox lo." Gangj sat, gou couh gwih hwnj danci bae. Hoeng, danci mbouj dingq gou cijveih, gyauejci niuj bae niuj dauq, gou simgip raixcaix. Sawqmw, gou siengj daengz gij vah daeggo, couh ciuq gij vah daeggo bae guh, hoeng ngamq gwih yaep ndeu youh laemx lo. Gou ndatheiq dwk naeuz: "Hag danci baenzneix hoj, gou mbouj hag lo." Daeggo gujli gou naeuz: "Daegnuengx, gaej doeknaiq, menhmenh hag, gou siengsaenq mwngz itdingh hag rox." Dingq gij vah daeggo le, gou youh miz saenqsim lo, youh gwih hwnj danci bae hag. Ginggvaq duenh seizgan ndeu hag, gou hag rox gwih danci lo.

Yienznaeuz hag gwih danci gig mbouj yungzheih, hoeng, hix gig mizyinx, de hawj gou roxdaengz cijaeu haengj hag haengj guh, gijmaz saeh cungj hag ndaej rox, guh ndaej baenz. (指导老师:罗凤)

Ngoenz ndeu, miz vunz cingj daxgoeng caeuq gou bae bouqhaeux gwnz gai gwnngaiz, gou angq dwk youh diuq youh ciengq gaen daxgoeng caez bae. Youq gwnz loh ginggvaq aen ndoengfaex iq seiz, daxgoeng dingz roengzdaej, muengh ndaw ndoengfaex, lumj miz gijmaz simsaeh nei. Gou ngeizvaez lo, haxbaenh daxgoeng lij miz gangj miz riu, seizneix saeknaj de baenzlawz yienghneix doeknaiq mbouj gangj vah lone?

Gou nyaenx mbouj ndaej byaij gvaqbae, beng buh daxgoeng cam: "Daxgoeng, daxgoeng, baenzlawz lij mbouj byaij ha? Ndw youq gizneix guh gijmaz?" Daxgoeng danqheiq naeuz: "Ai, gaxgonq gizneix dauqcawq cungj dingqnyi sing roeg, seizneix cungj mbouj dingqnyi saek sing roeg heuh lo." Gou mbouj naihfanz dwk gangj: "Raeuz vaiq byaij ba, mbouj guenj de lo." Daxgoeng fouznaih, cijndei yamqdin naekgywd, ngaem-gyaey mbouj gangj vah byaij lo.

Youq ndaw bouqhaeux, fuz-

Duzroeg Bae Gizlawz Lone

鸟儿去哪了

环江思恩镇人和小学四年级 莫春翔

vuyenz dawz haexbyaek daej. Gou baez yawj, gij byaek neix itdingh ndei gwn! Ngah ndaej gou raemxmyaiz cungj rih okdaej lo. Fuzvuyenz gaisau gij byaek neix hawj dou nyi: "Neix dwg aeuq raet roeggacak, neix dwg hojgoh roeglaej, neix dwg youzcaq roeghenj iq..."

Daxgoeng baez dingq, coenz vah ndeu cungj mbouj gangj couh rag gou byaij ok baihgrog bae, gou gip lo, couh beng buh daxgoeng cam: "Daxgoeng, gij haexngaiz yienghneix ndei gwn, vih gijmaz mbouj gwn ne?" Daxgoeng gangj: "Gij roeg neix bonjlaiz wng-gai youq ndaw ndoengfaex swngghoz ndaej gig ndei, hojsik gaenq bienqbaenz gijgwn vunzraez lo.

Baenzlawz mbouj hawj vunz sim' in ne?" Fuzvuyenz lienzmuengz gej naeuz: "Daxgoeng, mwngz siengj loek lo, gij roeg neix cungj dwg vunz ciengx, mbouj dwg youq ndaw ndoengfaex gaeb ndaej." Dingq fuzvuyenz gangj le, daxgoeng youh gangj: "Gij roeg neix mbouj dwg daj ndaw ndoengfaex gaeb ma, gij roeg ndaw ndoengfaex youh bae gizlawz lone?"

Vihliux gej aen vwndiz daxgoeng, gou cazyawj swliu rox lo. Cungjloih duzroeg gemjnox cujau dwg swyenz vanzging deng buqvaih, caeuq gyoengqvunz luenh gaeb luenh gaj cauxbaenz. Yaek baujhu doenghdud, raeuz mboujdanh aeu guenj ndei

aenbak swheij, caemhcaiq baujhu ndei sadan, ndoengfaex, doengh-naz... Hawj duzroeg swyouz swngghoz, duzroeg miz nanh seiz, raeuz aeu bang de, bang gyoengqde guh rongz; yawjraen miz vunz gaeb duzroeg seiz, raeuz aeu bang duzroeg mbin haeuj ndaw daswyenz bae...

Caesim roengzrengz ba, hawj bya engq heu, raemx engq saw, hawj duzroeg youq ndaw ndoeng ciengqgo, hawj byalgw youq ndaw dah youzraemx.

(指导老师:覃玉往)

